

Broj: 01-01.3-8418-14/25 AK

Datum: 17.12.2025. godine

Na osnovu člana 70. stav (3) Zakona o javnim nabavkama ("Službeni glasnik BiH", br. 39/14, 59/22 i 50/24), člana 17. Pravilnika o javnim nabavkama JP Autoceste FBiH d.o.o. Mostar, NO.1.01-3837-12/23 od 12.06.2023. godine te preporuke Komisije za javne nabavke konstatovane u Zapisniku o pregledu i ocjeni konačnih ponuda u pregovaračkom postupku bez objave obavještenja o nabavci, broj: 01-01.3-8418-13/25 AK od 05.12.2025. godine, direktor Javnog preduzeća Autoceste Federacije Bosne i Hercegovine društvo sa ograničenom odgovornošću Mostar donosi sljedeću:

ODLUKU
o izboru najpovoljnijeg ponuđača
u pregovaračkom postupku bez objave obavještenja o nabavci

I

Ugovor za nabavku radova: „**Dodatni radovi za nastavak izgradnje tunela Hranjen, izrada sekundarne obloge**“ u vrijednosti od 8.537.095,06 KM bez uračunatog PDV-a, odnosno 9.988.401,22 KM sa uračunatim PDV-om, dodjeljuje se ponuđaču **EURO ASFALT d.o.o. Sarajevo** koji je u pregovaračkom postupku bez objave obavještenja o nabavci dostavio prihvatljivu konačnu ponudu, kao jedini ponuđač u predmetnom postupku.

II

Ugovor se zaključuje nakon provedenog pregovaračkog postupka bez objave obavještenja o nabavci, u skladu sa članom 24. stav (1) tačka a) i 28. Zakona o javnim nabavkama (u daljem tekstu: Zakon). Poziv za dostavljanje zahtjeva za učešće je upućen samo jednom kandidatu EURO ASFALT d.o.o. Sarajevo, sa kojim je ranije zaključen osnovni ugovor za izvođenje radova „Nastavak izgradnje tunela Hranjen, probijanje i sekundarna obloga“.

III

U skladu sa članom 70. stav (6) Zakona, JP Autoceste FBiH d.o.o. Mostar će ovu Odluku objaviti na svojoj internet stranici: www.jpautoceste.ba i to istovremeno sa upućivanjem Odluke ponuđaču koji je učestvovao u postupku javne nabavke.

O b r a z l o ž e n j e

JP Autoceste FBiH d.o.o. Mostar je na osnovu čl. 17 stav (1), 18. stav (1) i 24. stav (1) tačka a) Zakona pokrenulo pregovarački postupak bez objave obavještenja o nabavci donošenjem Odluke o pokretanju pregovaračkog postupka bez objave obavještenja o nabavci, broj: 01-01.3-8418/25 AK od 16.09.2025. godine. Na učešće u postupku pozvan je samo jedan kandidat EURO ASFALT



d.o.o. Sarajevo, sa kojim je ranije zaključen osnovni ugovor za izvođenje radova: „Nastavak izgradnje tunela Hranjen, probijanje i sekundarna obloga“.

U skladu sa članom 28. stav (2) Zakona, Poziv za dostavljanje zahtjeva za učešće u pregovaračkom postupku bez objave obavještenja o nabavci upućen je na adresu gore navedenog kandidata, koji je potom blagovremeno dostavio Zahtjev za učešće. U Zahtjevu za učešće, kandidat je dostavio sve dokaze o ispunjavanju postavljenih kvalifikacionih uslova, te je od strane Komisije za nabavke, imenovane Rješenjem broj: 01-01.3-8418-3/25 AK od 13.11.2025. godine, ocijenjen kao kvalifikovan kandidat, što je konstatovano u Zapisniku o ocjeni zahtjeva za učešće, broj: 01-01.3-8418-5/25 AK od 21.11.2025. godine.

Pozivom za dostavljanje početne ponude, kvalifikovani kandidat EURO ASFALT d.o.o. Sarajevo je pozvan da dostavi početnu ponudu. Komisija za nabavke je izvršila pregled i ocjenu početne ponude, čije je rezultate konstatovala u Zapisniku o pregledu i ocjeni početne ponude, broj: 01-01.3-8418-8/25 AK od 28.11.2025. godine. Poziv na pregovore dostavljen je ponuđaču EURO ASFALT d.o.o. Sarajevo, dana 28.11.2025. godine.

Poslije provedenih pregovora, o čemu je sačinjen Zapisnik o pregovorima, broj: 01-01.3-8418-10/25 AK od 03.12.2025. godine, ponuđač je dostavio svoju konačnu ponudu. Nakon pregleda i ocjene konačne ponude Komisija za nabavke je ocijenila da je ista prihvatljiva i u Zapisniku o pregledu i ocjeni konačne ponude, broj: 01-01.3-8418-13/25 AK od 05.12.2025. godine, dala prijedlog ugovornom organu da ugovor za nabavku radova: „Dodatni radovi za nastavak izgradnje tunela Hranjen, izrada sekundarne obloge“ u vrijednosti od 8.537.095,06 KM bez uračunatog PDV-a, odnosno 9.988.401,22 KM sa uračunatim PDV-om dodijeli ponuđaču EURO ASFALT d.o.o. Sarajevo, jer je dostavio prihvatljivu konačnu ponudu.

Shodno navedenom, ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:

Protiv ove Odluke može se izjaviti žalba u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine **putem** ugovornog organa, u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

Prilog:

- Zapisnik o pregledu i ocjeni konačnih ponuda, broj: 01-01.3-8418-13/25 AK od 05.12.2025. godine.

Izvršni direktor za
projektovanje i građenje:
.....
Asmir Dževljan, dipl.ing.građ.

Direktor:
.....
Denis Lasić



Identifikacijski broj 4227691540065 PDV broj 227691540005
Glavni račun: Union banka Sarajevo 1020010000014039
Transakcijski račun: Raiffeisen bank dd Sarajevo, glavna filijala Mostar 1610200062470038
Federalna taksa za korištenje autoceste: 1610200062470232 i 3386902296565422
Naknada za korištenje cestovnog zemljišta: 1610200062470115 i 33869022965654549
Registровано u Općinskom sudu u Mostaru, MBS 58-01-0179-16

Broj: 01-01.3-8418-13/25 AK

Datum: 05.12.2025. godine

U skladu sa članom 65. Zakona o javnim nabavkama („Službeni glasnik BiH“, br.: 39/14, 59/22 i 50/24), članom 8. Pravilnika o uspostavljanju i radu komisije za javne nabavke („Službeni glasnik BiH“, br.: 103/14 i 49/23), članom 20. Uputstva za pripremu modela tenderske dokumentacije i ponuda („Službeni glasnik BiH“, br.: 90/14 i 20/15) i članom 15. Pravilnika o javnim nabavkama JP Autoceste FBiH d.o.o. Mostar, broj: NO.1.01-3837-12/23 od 12.06.2023. godine, Komisija za nabavku, imenovana Rješenjem, broj: 01-01.3-8418-3/25 AK od 13.11.2025. godine, dostavlja:

ZAPISNIK O PREGLEDU I OCJENI KONAČNE PONUDE u pregovaračkom postupku bez objave obavještenja o nabavci

- Naziv i sjedište ugovornog organa:** JP Autoceste FBiH d.o.o. Mostar;
- Predmet nabavke:** „Dodatni radovi za nastavak izgradnje tunela Hranjen, izrada sekundarne obloge“.
- Evidencijski broj nabavke:** 01-01.3-8418/25 AK.
- Posebni slučajevi i okolnosti iz čl. 21.-24. Zakona o javnim nabavkama (u daljem tekstu: Zakon) koji opravdava korištenje ovog postupka:** Osnov za primjenu pregovaračkog postupka bez objave obavještenja je član 24. stav (1) tačka a) Zakona prema kojem se ovaj postupak provodi u slučaju ugovora o javnoj nabavci radova za dodatne radove koji nisu uključeni u prvobitno razmatrani projekat ili u prvobitno zaključen ugovor, ali koji, usljed nepredviđenih okolnosti, postanu neophodni za izvršenje ili izvođenje u njima opisanih radova, i kada se takvi dodatni radovi ne mogu, tehnički ili ekonomski, odvojiti od osnovnog ugovora bez većih nepogodnosti za ugovorni organ. Takav ugovor može se zaključiti s dobavljačem kojem je dodijeljen osnovni ugovor, a ukupna vrijednost ugovora dodijeljenih za dodatne radove ne može preći 20% od vrijednosti osnovnog ugovora.
- Datum početka pregleda i ocjene konačne ponude:** 05.12.2025. godine.
- Datum slanja poziva na dostavu konačne ponude:** 03.12.2025. godine.
- Naziv i sjedište svih ponuđača, prema redoslijedu zaprimanja konačnih ponuda:**
 - EURO ASFALT d.o.o. Sarajevo**, zaprimljena 04.12.2025. godine u 14:17 sati.
- Podaci o pojašnjenju dokumenata u skladu sa članom 68. stav (3) Zakona ako ih je bilo:** Nije traženo pojašnjenje dokumenata.
- Analitički prikaz traženih i dostavljenih dokumenata na osnovu koji se utvrđuje postoje li razlozi isključenja ponuđača (obavezni razlozi i ako je primjenjivo ostali razlozi):** Ponuđač je na osnovu Poziva za dostavljanje konačne ponude u pregovaračkom postupku bez objave obavještenja o nabavci, broj: 01-01.3-8418-11/25 AK od 03.12.2025. godine, upućenog od strane ugovornog organa, blagovremeno dostavio konačnu ponudu koja ispunjava sve uslove i zahtjeve postavljene u Pozivu, odnosno dostavio je:
 - Popunjen Obrazac za konačnu ponudu – Aneks 1.1;
 - Popunjen Obrazac za cijenu konačne ponude – Aneks 2.1;



- Popunjen Obrazac povjerljivih informacija - Aneks 3.1, (ponuđač nema povjerljivih informacija);
 - Potpisan i opečaćen Nacrt Ugovora te popunjena i parafirana Tabela podataka o prilagođavanju cijene – Aneks 4.1;
 - Parafiran i popunjen Predmjer radova – Aneks 5.1;
 - Popis dokumentacije koja je priložena uz konačnu ponudu.
- 10. Naziv i sjedište ponuđača koji se isključuju te obrazloženje razloga njihovog isključenja:** Nema ponuđača koji se isključuju.
- 11. Analitički prikaz traženih i dostavljenih dokaza tehničke i profesionalne sposobnosti kandidata:** Nije primjenjivo.
- 12. Prikaz traženih i dostavljenih garancija za ozbiljnost ponude, ako je traženo:** Nije primjenjivo.
- 13. Podaci o pojašnjenju konačnih ponuda, ako ih je bilo:** Nije primjenjivo.
- 14. Prikaz valjanosti konačne ponude prema obliku, sadržaju i cjelovitosti:** Zaprimljena konačna ponuda je uredno zapakovana, obrasci čitko popunjeni, cijena bez PDV-a upoređena u obrascima Aneks 1.1 i Aneks 2.1, identična u oba obrasca.
- 15. Analiza konačne ponude vezano uz ispunjenje zahtjeva u pogledu opisa predmeta nabavke i tehničkih specifikacija:** Ponuđač je ispunio sve zahtjeve u pogledu opisa predmeta nabavke i tehničkih specifikacija, odnosno ponuđač je u konačnoj ponudi dostavio parafiran i popunjen Predmjer radova (Aneks 5.1).
- 16. Podaci o ispravkama računskih grešaka u početnoj ponudi, ako ih je bilo:** Nema računskih grešaka.
- 17. Prikaz ispunjenja ostalih uslova iz tenderske dokumentacije, ako su traženi:** Nije primjenjivo.
- 18. Naziv i sjedište ponuđača čije konačne ponude se odbijaju na osnovu rezultata pregleda i ocjene ponuda te obrazloženje razloga za njihovo odbijanje:** Nema ponuđača čije se ponude odbijaju.
- 19. Razlozi za odbijanje konačnih ponuda zbog neprirodno niske cijene, ako je primjenjivo:** Nema ponuđača čije ponude se odbijaju zbog neprirodno niske cijene.
- 20. Analiza prihvatljivih konačnih ponuda prema kriteriju za izbor ponude:**
Ponuđač je, na osnovu održanih pregovora, dostavio konačnu ponudu. Ukupna cijena konačne ponude je: 8.537.095,06 KM bez uračunatog PDV-a, odnosno 9.988.401,22 KM sa uračunatim PDV-om.
- 21. Rangiranje prihvatljivih konačnih ponuda prema kriteriju za izbor ponude:**
Kriterij za izbor je „najniža cijena“.

Naziv ponuđača	Cijena bez PDV-a (KM)	Popust	PDV (17%)	Ukupna cijena sa PDV-om i popustom (KM)
1. EURO ASFALT d.o.o. Sarajevo	8.537.095,06	-	1.451.306,16	9.988.401,22



- 22. Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor:** EURO ASFALT d.o.o. Sarajevo, adresa Rajlovac bb, 71000 Sarajevo, ID broj 4200387990007. Ponuđač je dostavio prihvatljivu konačnu ponudu.
- 23. Podaci o dijelu ugovora koji se daje u podugovor i podaci o podizvođaču:** Ponuđač nije izrazio namjeru podugovaranja.
- 24. Podaci o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci:**

Ponuđač EURO ASFALT d.o.o. Sarajevo je u Zahtjevu za učešće u predmetnom postupku dostavio Izjavu o ispunjavanju uslova iz člana 45. stav (1) tačka a) Zakona, te ovjerene kopije svih zahtijevanih dokumenata kojima se dokazuje ispunjenost uslova iz člana 45. stav (1) tač. a) do d) Zakona, što je konstatovano u Zapisniku o ocjeni zahtjeva za učešće u pregovaračkom postupku bez objave obavještenja o nabavci, broj: 01-01.3-8418-5/25 AK od 21.11.2025. godine.

Takođe, ponuđač je u Zahtjevu za učešće dostavio ovjerenu kopiju važećeg Ovlaštenja za obavljanje djelatnosti građenja/izvođenja radova koji su predmet nabavke (Uredba o uređenju gradilišta, obaveznoj dokumentaciji na gradilištu i sudionicima u građenju - „Službene novine Federacije BiH“ br. 25a/22, 42/22, 93/22 i 33/24), što je obaveza izabranog ponuđača.

Shodno tome, ponuđač **nije dužan ponovo dostavljati navedenu dokumentaciju.**

- 25. Prijedlog odgovornoj osobi ugovornog organa za donošenje odluke o izboru:**

Komisija za javne nabavke predlaže direktoru Javnog preduzeća Autoceste FBiH d.o.o. Mostar da za nabavku radova: „Dodatni radovi za nastavak izgradnje tunela Hranjen, izrada sekundarne obloge“ donese sljedeću odluku kojom se:

- Ugovor za nabavku radova: „**Dodatni radovi za nastavak izgradnje tunela Hranjen, izrada sekundarne obloge**“ u vrijednosti od 9.988.401,22 KM sa uračunatim PDV-om dodjeljuje se **ponuđaču EURO ASFALT d.o.o. Sarajevo**, jer je dostavio prihvatljivu konačnu ponudu.

- 26. Datum završetka postupka pregleda konačne ponude:** 05.12.2025. godine.

- 27. Popis priloga uz zapisnik (zahtjevi za pojašnjenjem početnih ponuda, zahtjevi za dostavom originala ili ovjerenih kopija traženih dokumenata, zahtjevi prihvatanje ispravke računске greške, zahtjevi za objašnjenje neprirodno niske cijene, dostavljeni dokumenti, pojašnjenja, objašnjenja, prihvatnje ispravke, mišljenje stručne službe ugovornog organa ili nezavisne stručne osobe, i sl.):**

- Zapisnik o pregovorima, broj: 01-01.3-8418-10/25 AK od 03.12.2025. godine.



Identifikacijski broj: 4227691540005 PDV broj: 227691540005
 Glavni račun: Union banka Sarajevo 1020010000014039
 Transakcijski račun: Raiffeisen bank dd Sarajevo, glavna filijala Mostar 1610200062470038
 Federalna taksa za korištenje autoceste: 1610200062470232 i 3386902296565422
 Naknada za korištenje oostovnog zemljišta: 1610200062470135 i 3386902296564549
 Registrovano u Općinskom sudu u Mostaru, MBS 58-01-0179-10

JP


28. Ime i prezime te potpis ovlaštenih predstavnika ugovornog organa koji su izvršili pregled i ocjenu početne ponude:

Članovi komisije:

Amra Kahrmanović, predsjednik komisije

Miranda Zukić, član komisije

Senad Milišić, član komisije



Saglasan:


Denis Lasić,
Direktor



Broj: 01-01.3-8418-10/25 AK

Datum: 03.12.2025. godine

ZAPISNIK O PREGOVORIMA

Sastavljen dana 03.12.2025. godine u 10:30 sati u sali JP Autoceste Federacije BiH d.o.o. Mostar, Operativni ured u Sarajevu, Hamdije Kreševljakovića 19, Sarajevo u predmetu: pregovori o tehničkim, ekonomskim, pravnim i drugim aspektima ugovora u pregovaračkom postupku bez objave obavještenja o nabavci za nabavku radova: „**Dodatni radovi za nastavak izgradnje tunela Hranjen, izrada sekundarne obloge**“ koji se provodi u skladu sa članom 24. stav (1) tačka a) Zakona o javnim nabavkama („Službeni glasnik BiH“, br.: 39/14, 59/22 i 50/24) – u daljem tekstu: Zakon.

U pregovorima učestvovali članovi komisije za nabavke imenovani Rješenjem, broj: 01-01.3-8418-3/25 AK od 13.11.2025. godine, kako slijedi:

1. Amra Kahrmanović, predsjednik komisije ugovornog organa,
2. Miranda Zukić, član komisije ugovornog organa i
3. Senad Milišić, član komisije ugovornog organa.

te ovlašteni predstavnici ponuđača: Euro-Asfalt d.o.o. Sarajevo, po dostavljenom Ovlaštenju za preduzimanje radnji u pregovaračkom postupku po pozivu, broj: 01-01.3-8418-9/25 AK, broj: EA-IS-733-25 od 03.12.2025. godine, kako slijedi:

4. Munir Ramić, dipl.ing.građ., I
5. Ifet Avdagić, dipl.ing.građ..

Na osnovu člana 24. stav (1) tačka a) Zakona o javnim nabavkama ugovorni organ JP Autoceste FBiH d.o.o. Mostar pokrenuo je pregovarački postupak bez objave obavještenja o nabavci radova: „**Dodatni radovi za nastavak izgradnje tunela Hranjen, izrada sekundarne obloge**“.

Shodno naprijed navedenom, kandidatu Euro-Asfalt d.o.o. Sarajevo upućen je Poziv za dostavljanje zahtjeva za učešće u pregovaračkom postupku bez objave obavještenja o nabavci, broj: 01-01.3-8418-1/25 AK od 21.10.2025. godine, a na osnovu Odluke o pokretanju pregovaračkog postupka bez objave obavještenja o nabavci, broj: 01-01.3-8418/25 AK od 16.09.2025. godine. Poziv za dostavljanje zahtjeva za učešće upućen je samo navedenom kandidatu jer je sa istim ranije zaključen osnovni ugovor za izvođenje radova: „**Nastavak izgradnje tunela Hranjen, probijanje i sekundarna obloga**“. Do isteka roka za prijem zahtjeva za učešće, navedeni kandidat je dostavio Zahtjev za učešće, broj: EA-IS-498-25 od 29.10.2025. godine kojim je ispunio sve postavljene kvalifikacione uslove, te mu je upućen Poziv za dostavljanje početne ponude u pregovaračkom postupku bez objave obavještenja o nabavci, broj: 01-01.3-8418-6/25 AK od 21.11.2025. godine.

Od ponuđača se zahtijevalo da u početnoj ponudi dostavi sljedeću dokumentaciju: popunjen Obrazac za početnu ponudu – Aneks 1, popunjen Obrazac za cijenu početne ponude – Aneks 2, popunjen Obrazac povjerljivih informacija - Aneks 3 (nema povjerljivih informacija), parafiran i



popunjen Predmjer radova – Aneks 4, te popis dokumentacije koja je priložena uz početnu ponudu. Ponuđač je dostavio prihvatljivu početnu ponudu do zahtijevanog roka, o čemu je sastavljen Zapisnik o pregledu i ocjeni početne ponude u pregovaračkom postupku bez objave obavještenja o nabavci, broj: 01-01.3-8418-8/25 AK od 28.11.2025. godine te su pregovori zakazani za 03.12.2025. godine.

Pregovori o nabavci „Dodatni radovi za nastavak izgradnje tunela Hranjen, izrada sekundarne obloge“, u skladu sa članom 28. stav (6) Zakona o javnim nabavkama, vode se između članova Komisije za javne nabavke JP Autoceste Federacije BiH d.o.o. Mostar imenovane Rješenjem, broj: 01-01.3-8418-3/25 AK od 13.11.2025. godine i ovlaštenih predstavnika ponuđača Euro – Asfalt d.o.o. Sarajevo, kojeg predstavljaju Munir Ramić, dipl.ing.građ. i Ifet Avdagić, dipl.ing.građ., po Ovlaštenju, broj: EA-IS-733-25 od 03.12.2025. godine.

1. Predsjednik komisije za nabavku je ukratko obrazložila razloge za provođenje predmetnog postupka javne nabavke, a koji se odnose na potrebu za dodatnim radovima koji su zbog nepredviđenih okolnosti postali neophodni za izvođenje radova iz osnovnog ugovora „Nastavak izgradnje tunela Hranjen, probijanje i sekundarna obloga“. Tokom pregovora prisutni su upoznati da ova vrsta postupka omogućava neposredno pregovaranje o svim o svim temama koji su u vezi sa predmetom nabavke, odnosno o svim uslovima izvršenja budućeg ugovora. Međutim, nije bilo dodatnih pitanja niti prijedloga po pitanju realizacije ugovora, budući da su sve obaveze i uslovi poznati na osnovu važećeg osnovnog ugovora. Detaljne obaveze koje će se odnositi na ugovor za dodatne radove biće definisane u nacrtu ugovora, koji će biti sastavni dio poziva za dostavljanje konačne ponude.
2. Razgovarano je o mogućnosti odobravanja dodatnog popusta na dostavljenu početnu ponudu. Ovlašteni predstavnici ponuđača naveli su da u ovom trenutku nisu u mogućnosti ponuditi dodatni popust, odnosno da nemaju prostora za umanjenje cijene. Predstavnicima ugovornog organa su ih pozvali da još jednom razmotre mogućnost odobravanja dodatnog popusta, koji mogu iskazati u svojoj konačnoj ponudi.
3. Na pregovorima je dogovoreno da će u Pozivu za dostavljanje konačne ponude u pregovaračkom postupku bez objave obavještenja o nabavci biti utvrđen rok za dostavljanje konačne ponude najkasnije do **04.12.2025. godine do 15:30 sati**.

Ovaj Zapisnik sačinjen je u dva primjerka, od kojih jedan zadržava ugovorni organ, a drugi ponuđač.




Strane zajednički potpisuju ovaj Zapisnik:

Članovi komisije za nabavke koji su učestvovali na pregovorima:

Amra Kahrmanović, predsjednik komisije

Miranda Zukić, član komisije i

Senad Milišić, član komisije

i ovlašteni predstavnici ponuđača:

Munir Ramić, predstavnik ponuđača

Ifet Avdagić, predstavnik ponuđača




Prilog: Ovlaštenje, broj: EA-IS-733-25 od 03.12.2025. godine;



Identifikacijski broj: 4227691540065 PDV broj: 227891540065
Glavni račun: Union banka Sarajevo 1020010000014039
Transakcijski račun: Raiffeisen bank dd Sarajevo, glavna filijala Mostar 1810200082470038
Federalna taksa za korištenje autoceste: 1610200052470232 i 3388902296365422
Naknada za korištenje cestovnog zemljišta: 1610200052470135 i 3388902296365428
Registrovano u Općinskom sudu u Mostaru, MBS 58-01-0178-10